

— Մեր հաշիւն ալ տեսէք, կ'ազդարահեն միւս թաղեցիները:

— Կարգաւ: էֆէնտիմ, կարգաւ:

— Մինչեւ ե՞րբ պիտի սպասենք, մենք գործի տէր մարդիկ ենք:

Եւ այս խառնիճազաննին մէջ հաշուե-
յարդարութիւնը կը շարունակուի մինչև որ մութը կը կոխէ:

Մէկ քանի թաղերու ներկայացուցիչներ տեսնելով որ ատենը կ'անցնի և իրենց հաշիւը տեսնող չի կայ, կ'առնեն կը քալեն քերած զրամբին հետերնին առնելով:

Ուրիշներ զրամբին կը ձգեն, առանց հակակշռի գործողութեան սպասելու: Վերջապէս ճամբուս թո՛՛՛ս ու բո՛՛՛ մը:

Ինչ՞եւ այս ամէնը:

— Որովհետեւ կեդր. Բանձնաժողովէն, որ 20—22 անդամներէ կը բաղկանայ, հազիւ 3—4 հատը եկած էին իրենց պարտականութիւնը կատարելու:

ԵՐՈՒԱՆԻ ԾՅԵԱՆ

ՀԱՇՈՒԵՅԱՐԴԱՐՈՒԹԻՒՆ

Առջի օր տարօրինակ տեսարան մը կը պարզուէր Ղալաթիոյ խորհրդարանին մէջ:

Յարելիմական կեդր. Բանձնաժողովին հը-
րաւէրին համեմատ, ամէն թաղերէ Բանձ-
նախումբեր փութացած էին, իրենց տաս-
նոցները շաղկած, դալ խառնուիլ Ազգ. Ժո-
ղովի դրան առջեւ:

Խառգիւզ, Պալաթ, Սկիւտար, Եէնի գա-
բու, Գուժ Գարու, Գուրու չէշմէ, Բերա, Ֆէ-
րի քէօյ, Մետիկեան վաճառատուն և այլն,
իրենց ներկայացուցիչները զրկած էին և
սակայն կեդր. Բանձնաժողովէն ոչ ոք ներ-
կայ էր:

— Գոնէ սրահին դուռը բացէ՛ք, ոտքի
վրայ չմնանք, կ'ըսէին հաշիւ տալու եկեղ-
ները, որոնց մէջ չէին պակսեր նաև փախ-
կասուն տիկնայք եւ սրիորդք:

— Չէ՛, կը պատասխանէր բարապանը,
մինչև որ Բանձնաժողովին անդամները չի
զան՝ դուռը չբացուի:

Վերջապէս ժամը երեքին քառորդ մնա-
ցած Պ. Նամասնեան ցոյց կուտայ իր սը-
րածայր մօրուքը, ժամը երեքին կը հասնի
տէրտէր մը, ժամը երեքը քառորդ անցած
կ'երեւայ Գէորդ վրդ. Ալամնեան և վերջա-
պէս ժամը երեքուկէսին Բանձնաժողովի ա-
տենապետ Տօքթ. Թորգոմեան էֆ.:

Ժողովասրահը կը բացուի ու համարա-
ուու և համարատու կը բազմին սեղանի մը
շուրջը:

— Կառախումբը պիտի փախցնենք, նախ
մեր հաշիւը նայեցէ՛ք, կ'աղերսեն Եէնի Գա-
բուցիները:

— Շոգենաւին պիտի հասնինք մեր հա-
շիւը նայեցէ՛ք, կը հրամայեն Սկիւտարցի-
ները:

— Առաջ մեր հաշիւը ըմպենք, կը
խնդրեն Գուրու չէշմէցի տիկիները:

Բանձնաժողովի ատենապետը, իրեւ-
եկալանէ մարդ, նախապատուութիւն կու-
տայ կիներուն որոնց քերած տասնոցներու
տողարկը սեղանին վրայ կը պարպուի և
Բանձնաժողովի անդամներէն մին կը սկսի
զանոնք համրել: 9012 տասնուց, որոնք համ-
րելու համար ժամ մը վատնել հարկ կ'ըլ-
լայ: